



22248

III

Mag. St. Dr. P

Jagiellońska Biblioteka Uniwersytecka w Krakowie

as Ep. Crac.

Denominariensis Collegii Soci. Semi. et Torha doctus  
gloriae

PANEG. et VITAE

Polon. Fol.

№ 1400.



Biblioteka Jagiellońska



stdr0004504



DO

D  
T  
E

An

D

SO

Anno



ARRHA  
DOTALIS GLORIÆ,  
Quâ

*Illustrissimus & Reuerendissimus*  
PRINCEPS ac DOMINVS,

D. ANDREAS  
TRZEBICKI,  
EPISCOPVS CRACOVIENSIS,  
DVX SEVERIÆ.

*In primo ac felici suæ Cathedræ aditu,*  
Amplissimam suæ Metropoleos Diocesim  
Iure Sponsalitij pignoris  
DITAVIT ORNAVITQVE,  
Cælestium tabulis firmata sancitaque,

*A Gratulante*  
SOCIETATIS IESV COLLEGIO  
SENDOMIRIENSI,

Elogio ad Posteror  
COMMENDATA.

*Anno Instauratæ Salutis, M. DC. L. VIII. 3. Nonas Nou.*

---

C R A C O V I Æ,

*In Officina Typographica, Ioannis Pauli Cezary, Illustrissimi ac  
Reuerendissimi Episcopi Cracouiën. Typographi.*



Prosperæ Nauigationis Auspiciū: Vidisse  
C Y G N V M.

Ælian: Var: Hist: L. 1. C. 14

*Et SENDOMIRIIS ressonsat Montibus Echo,  
Quam Sacra, CYGNE Æ Vocis Imago, facit.*



LIBR. UNIV.  
VARELLONICAE



22248 III



Sit Vigil, & Latijs celebretur laudibus, Anser,  
Qui Capitolini proditor hostis erat:  
Pro Superūm Templis, Vigilantior Anser, Custos  
Fungitur Excubijs. TRZEBICIANVS OLOR.



# JLLVSTRISIME AC REVERENDISIME PRINCEPS.



*Primum id Tuis in Laudibus beneficii genus, velut  
præsens certumq̃ prosperitatis omen capimus, quòd  
solenni illâ Oratoribus trepidatione, Tua nos Celsi-  
tudo absoluat, Suâ, hoc est diuinæ proximâ potesta-  
te. Neque enim veremur, ne aut styli humilitate of-  
ficiamus virtutibus Tuis, humanū semel præteruēctis fastigium; aut  
non ex merito dignitatis Tuæ videamur loqui. Non utiq̃ nescij: Illu-  
*stria virorum acta, neque à scriptoris magnitudine grandiora fieri,*  
*neq̃ à tenuitate Laudatoris capere detrimentum. Illud potiùs elaboran-*  
*dum nobis, ne ita de Te dicamus scribamusq̃, ut idem de alio dici scribiq̃*  
*possit. Singularis hîc atq̃ eximius videri vis, ubi de Gloriæ Dotæ*  
*cēsu aut reponendo aut augendo, trāsfigendū est. Toto virtutis ac for-*  
*tunæ apparatu, Sponsæ aucturus æraria, maiorum in Te gentium sacras*  
*animi collegisti dotes: Prandotæ pietatem, sanctimoniam Kadkub-*  
*konis, Senatoriam Tylicij prudentiam, flexanimam Zadzicij Suadam,*  
*acumen Lipscij, Lubienii facundiam, Ossolinii dexteritatem, agendi*  
*vim, suadendi pondus; in multiplicem Sponsæ vsum, aut si malit, in no-*  
*bilem gemmæ sponsalitæ cælaturam. Fruatur Pontificio tot bonorum*  
*prouētū, Sionis æmula & Soror, Tuis muniēda excubiis, virtutum sti-*  
*panda satellitio. Lætâ securitate, his tutò brachiis inniti possit, qui-*  
*bus nuper ciuiliū curarū incubuit regni pondus. Porro altiùs descende-*  
*re in gentilitias Tuorū origines non vacabat, festinātibus ad ea, in quo-*  
*rum ipse gloriam laboraueris, Tuorum ipse decorum & auctor & actor.*  
*Vix non otiosum est, primos magnorū fluminū recurrere ad fontes.*  
*Hauriant ex turbido obsoletæ antiquitatis, quorum Nobilitas ob-*  
*scuro seculorum in fundo est. Tuæ virtutis claritudo, meritorum emi-**



nentia, generis prosapia, in summo atq̃ aperto posita, lucem alieno non accipiet à calamo, sat illustris de sua, Suorumque. At cur adstricto collectoq̃ scribendi genere, Tua in Elogio arctamus præconia? nimirum quod & Tu rebus intentior, quàm verbis, inanem sermonis profluentiam procul arceas. Ciuili eloquentiæ pænè à puero innutritus, parem agendi dicendiq̃ facultatem in promptu habes, togatæ sapientiæ decora, felici in Te compendio collecta digestaq̃. Admitte (quando & serenioris cæli temperiem in Tuæ partem celebritatis aduocasti) comprecantium votis & affectibus circumfesse ò Princeps, non nouâ iam inaugurati Honoris Tui felicitate initiandas, Collegii Sendomiriensis Musas, tot vexatas infortunius, quot exiliis iactatas, eminiùs tamen & cominiùs Tuæ assurgentes Celsitudini: paratissimas etiam, agere in distans, Tuæ Amplitudinis vel ad mentem vel ad nutum. Aquâ & igni ante, interdici nobis feramus, quàm officio debitæ in Pontificem pietatis: quâ agimur ad stimulos obseruantiae; immò trahimur, instar stipulæ, arcana potestatis vi, ad ipsam **A N D R E Æ** nominis energiam. Liceat per Te Pontificum facillime, accurrentem è vicino (ad usum communis lætitiæ,) Spartam nostram, inter amplissimi Honoris Tui umbras comites censeri conscribiq̃.

Tuæ Illustrissimæ & Reuerendis: Celsitudinis  
obseruantissimum

Collegium Sendomiriense  
Societatis **I E S V.**



I.  
VIRTUTIBVS TRZEBICIANIS,

*Data à Summis terrarum Principibus illustria testimonia,  
ad totalem Sponsæ gloriam pertinere.*

Haëtenus, Orbitatis tuæ insignia gestaueris  
FILIA PRINCIPIS Ò CRACOVIA:

Erepto nuper desolata seu Pastore seu Sponso,

Accessu alteriùs, iacturam reparas vtriusque.

Qualem animo fingebas, formabasque, habes:

VIRVM SVI NOMINIS, TVI OMINIS

Tua Tibi cælitùs attraxère suspiria:

\* ANDREAM TRZEBICKI

Robustam vel ab ipsa nomenclatione Virtutem!

\* Andreas  
virilem  
Gracè  
sonat.

Natione Polonam,

Institutione Romanam,

Stirpe Nobilem: Factis præstantem,

Meritis eximiam, eminentem Honoribus,

Regis & Dei Suffragio bis felicem,

FERDINANDI III. Elogio sublimem,

Apostolicis ALEXANDRI VII. \* Literis dilaudatam.

\* Datis ad  
finem an  
ni præ  
teriti.

Pluribus auctorati nominibus non eget Virtus,

Quæ à Suprema tot Maiestatum Auctoritate

Diuinâ, Pontificiâ, Imperatoriâ, Regiâ,

\* Testimonium oraculo par accepit.

\* Oportet au  
tem Episco  
pum & testi  
monium ha  
bere ab ijs  
qui foris  
sunt. I.  
Tim. 3.

Quantum est ad Gloriæ satietatem,

A tuba Latij atque Imperij præconium retulisse?

Summos caput apices

TRZEBICIANIS vt annuerent laudibus, inclinasse.

Augusto tantorum in ore Testium

Omne Famæ pretium, fidesque constabit.

Porro

Dotis aucionem si imperas?

Hereditarijs adnumero è Sponsi Bonis:

B

RE



## RELIGIONEM

Suis Maioribus coëuam,  
Suis moribus collataneam,  
Vultu & cultu Vaticanæ germanam,  
Cælo Cælitibusque vectigalem ex assc.

## IUSTITIAM:

Districto Veritatis patrocinio militantem,  
Terrore succinctam, non armatam supercilio.

In Causarum Cognitionibus lynceam,  
Seu affideat iudicio seu præsideat, ubique mediam partium  
Sed largitionibus inaccessam, muneribus intactam;

Ita miseros admittentem, vt felices dimittat:

*Metu, Spe, Cupiditate Superiorem*

Quia nec alienæ egentem fortunæ, nec tenacem suæ.

In † Arcopagi Curia educatam diceres

Nisi quòd excluso lumine, in sententiam non feratur,

† Athenien-  
sum iudi-  
cia intene-  
bris exer-  
cebantur.

*ARA SVPPLEX, REO SCOPVLVS.*

## FORTITVDINEM

*Sui ante quàm aliorum victricem:*

Aduersorum tolerantia duratam,

Secundorum prosperitate incorruptam,

In turbido Serenam,

In tempestate constantem sibi:

Seueram in loco,

Mitem Ouibus, infestam Mercenarijs, metuendam lupis;

Pollicentem maxima, maiora præstantem

Re & Vocabulo *VIRILEM.*

## TEMPERANTIAM

Frugalitatis parentem, abstinentiæ magistram,

Ignotum plerisque aut inuisum bonum,

Familiarem sibi cùm fecisset priuatus,

Eam deinceps nec in aulæ publico (an lubrico) manu misit;

*Ratus: moderari cæteris nec nosse, nec posse eos,*

*Qui suo temperare genio nequeant, nesciantue.*

Vltro



Vltrò citroque sustinuit  
Iisdem circumscribi se legibus parsimoniae,  
Quam patritia consimilium Virtutum Nomina  
Prandotæ, Kadlubkones, Zoroaldi, \* Szczepanouij, \* S. Stan. Episc.  
& martyr.

Vitæ Sociam, Viæ Comitem,  
Mensæ conuiuiam adhibere consuissent.

### I D E M

Indomabili mortalium malo, linguæ  
Frenum liberæ necessitatis iniecturus ad mensas,  
Salubre, ex silentio indicto remedium præscripsit.  
Optimum iudicans Opsonatorem, Diuinorum famem.

Bellaria Attica: Asiaticis præhabenda:

Nobile palati irritamentum

E sacrae condimento eruditionis acuendum esse.

Frigere epulas, nisi edulio mentium temperentur.

Raræ Hospitalitatis repetitum ex antiquo inuentum est:

Absque Latinis & Græcis Patribus non cænare.

### P R V D E N T I A M

Virtutum Antistitam, aut si malis prodromam,

Rebus præsentem, euentorum varietate multiplicem,

Consiliorum prouentu feracem,

Ad Reipublicæ commoda erectam, ubique circumtulit.

Ætatem & fastos si requiras?

Maturam annis, annalibus eruditam,

Vsu tersam, experienciâ limatissimam,

Futuri prouidam, præsentibus instantem,

Alienis ex diuturno præcautam infortunijs.

Eandem

Iuris medii Limitaneam custodem & arbitram,

Ilicò promptam accedere & intercedere

Si quo Virtutes, Vitiorum confinio læderentur.

### Z E L V M

Diuinorum studio calentem, callentemque scientias;

Immunitatis Ecclesiasticæ vindicijs irremissè intentum:

DEI Honorem, Honoribus alentem suis, propagantem cultu



Vidit Polonia, auduit Roma, Romæ Arbiter approbavit;  
Diuinis Regijsque placitis, vltro sua adijciens,  
Iussam ascendere superius Virtutem, oraculo promouit suo.

### Gaulus intimè

Ad altiora eum, Sacrorum gubernacula transferri  
Qui se vltra Humana omnia altius extulisset,  
Nec ambitu nec voto dignatus opes

*Sen* Quæ ditiores vtcunque, meliorem reddere neminem possint.  
Eas in primis sui iuris facere satagens,  
In quas vt factorum arbitrio, sic hominum iniuriæ liceat nihil,

### VIGILANTIAM:

Legum patriæ & Sigilli Custodiâ commendatissimam  
A Regis aula, ad Dei caulam transferens,

Mitioribus dominici gregis commutauit Excubijs.

Experfecti vigoris acer & vigil animus

Stationem duntaxat, non curas mutauit insomnes.

Instruat cæca antiquitas, centum oculis Argi caput,

Argis & Argonautis Vigilantior Sponsæ Custos,

Eiusdem vel munimentis præsidet, vel prospicit ornamentis.

### Exinde iam

Secura suæ indormiat quieti Cracouia,

Hinc à Ducis ferro: hinc Pastoris à telo communita.

### AVCTORITATEM:

Non illam leuloris Mineruæ è stipendijs conflatam,

Sed ex genere, doctrinâ, Sanctimoniâ, Triariam!

Illud à Maioribus paratum, hæ laboribus partæ

Virtutibus Infulatum, non scientiâ elatum

Orbi & Vrbi Cracouiæ dedere Pontificem.

Exeste, Imaginariâ sciendi opinione tumentes animæ,

Vulgo & vobis illudite ridiculâ imposturâ,

Copiosè inopes; splendidi idiotæ.

### PRINCEPS NOSTER

Ad modestiæ æquabilis tenorem contemperatus,

In alta Sapientiæ possessione, altum non sapit.

Eò generosiùs contemptu transmittens gloriâ,

Quod spreta in tempore, redire soleat cumulator.

Singularis



Singularis artificij negotium est:

*Fastum calcare posse nullo fastu.*

## D V X E T P R Æ S V L

Vtriusque Potestatis gladio pollens potensque,  
Pro Religione alterum, alterum contra Rebellionem stricturus  
Ream contumaciæ Hæresim, ante terruit quàm classicum caneret.

Paueant pestilentes Cathedræ

Suâ iam Cathedrâ confidentem.

## M V N I F I C E N T I A M

Ita profusam in Homines, vt auara non esset in Deum.  
Vnum id se habere profitentem, quod effudisset in egentes.

Prodigam nihilominus caue dixeris,

Quia dare beneficia, non proijcere ex vsu habet. *Seq*

Multis profuit ad gratiæ commendationem

Ex destinato Liberales fuisse.

Exclusa hinc: *Subitæ largitionis comes, pænitentias* *NB*

Vbi Dei æmulam manum, regit consilium, voluntas agit:

Facultatis est; vt dare possis, vt velis, beneuolentiæ. *Seq*

Dati haud pænitet authorem, cui Dedisse in lucro est.

Hominem excessit, quisquis remunerandi non expectat Vices.

Preces anteuertere, &, nec poscentibus offerre,

D I V I N U M E S T, T R Z E B I C I A N U M E S T.

## II.

*Ecclesiasticæ Disciplinæ perstudiosus auctor exactorque.*

*Vitam Principis perpetuam esse morum censuram.* *NB*

Veritatis non Plinij Vocem fuisse

Vetioribus nostri Antistitis edocemur experimentis.

## Dum

Veteris in Clero Disciplinæ perdiligens Exactor  
Quidquid monuit docuitque, suis comprobauit Exemplis.

Submouere Aris illos, alios admouere aris impiger

Primo admodum æternæ Mentis cauit edicto:

Ne quid à suis ageretur, Deo Sacerdote non dignum.

Oculatæ Diuinitatis Pupillam se meminissent *NB*

Tantâ Obseruantia teneritudine confouendam,

Quantam præsentissimi Numinis censoria mereatur Maiestas.



Arcendos iure Altaribus, qui Mentem integram Altaribus non inferrent.

Benè sapienterque, *in Sæctatoribus* \* Nazarei Nazarenus  
★ vocabitur.  
Matt. 2°

Florem Virtutis potius quàm comam nutriri cupiens,

Pectinem & Speculum Cincinnato Othoni Vide Sucto, hîc

Vnguentatos Milites Cæsari remisit.

Bella Domini ardore gerenda non nitore,

Abfalonium esse: *De singulis in iudicium capillis venire*: 2. Reg. 14.

Cæsariem, venali pondere sub hastam dare

Triste feralis heu! suspendij instrumentum.

### Quid multa?

Versicolorem nec in habitu fucum tolerans,

Indiscriminatam Sponsæ & Sponsi elegantiam,

Ad Sexûs ac Decori leges finesque discreturus

Sinceris omnia congruisque virtutum disparauit notis.

Et (quæ altiores gratulandi causæ)

Absteriso Goticæ Hostilitatis fascino,

Restitutâ Sacrorum Libertate,

Repositis in gradum Sacerdotijs,

Deplumatis fugatisuè Dei mensas fædantibus Harpijs,

Suam Delubris Venerationem, Basilicis Maiestatem,

Nitorem Aris: Splendorem Sacrarijs,

Odeis Psalmodiam: Curionibus Vigilantiam

Aut reduxit Veterem, aut induxit nouam.

### D E M V M

Literis pretium: Literatis fauorem,

Fidam Ouilibus tutelam: promptum Oibus patrocinium

Spondit præstititque.

Dignus, ex vetere Scriptoris Voto:

Plinij Iunioris

Vt semper obliget, semperque obligetur,

Qui Summos pariter obligauit ac imos.

### III.

*Cracouiæ de Vniuersa Philosophia disputat, præsentè Nuntio Aposto-  
lico, Honorato ViceComite, in Regali Collegio Cracou: Societatis Iesu.*

\* Non cuilibet sanè contingat venire Corinthum. ★ Vetus  
adagiû.

ANDREÆ TRZEBICKI, sciendi cupiditate succincto

Expe-



ferrent.  
Nazarenus  
vocabitur.  
S, Matt. 2.  
de Suetonio, hinc

2. Reg. 14.

um

junioris

aposto-  
s Iesu.

Vetus  
adagi.

cto

Expe-

Expedita omnis ad Sapientiæ limina peregrinatio.

Scitum est:

*Generosis conatibus, Difficultatum obijces, audendi irritamenta esse.* NB

Nullius non appetens disciplinæ, nullius non capax  
Omnibus in se cùm fecisset locum, Vniuersitas quædam videri poterat,  
Vel docentibus, vel discantibus documentor:  
Magnis ad summa passibus, emicanti animo  
Nullam scientiæ arcem inuiam, nullam porticum satis clausam.

Eam ob rem,

Humanioris literaturæ mansuetudinem, seuerioris Mineræ succo tincturus,  
(Quum Apollinem & Musas lautè comiterq; tractasset)  
Ex discipulo, amicus Tullio, cæpit colere Aristotelem;  
Cuius Auditorem se tantò libentiùs professus est  
Quantò flagrantiore Veri studio caleret:  
Ita isti adhærens, vt illum non dimitteret è sinu,  
Eo vtrinque beneficij nomine obstrictus  
Quòd Orationem ille, hic Orationem excolens,  
Vterque Hominem se vel perficeret vel limaret:  
Aristoteli debuit, vt sapienter diceret, vt copiosè, Ciceronis:  
Cùm tamen Logicorum extra leges ac normas, nec dixisset, nec vixisset.

V B I

Latentes Dialecticæ Scyllas impunè, quia solerter euitans,  
(Inter spinosa Logicæ dumeta hæsitantibus alijs)  
Floridam amœnioris Naturæ insulam præteruectus  
Portum tenuit, celestina cecinit, secundo per aduersa cursu.

Nempe

Et turbines tempestatesque commendant serenitatem,  
Et Prætoriam Petri Nauem attollunt dum bacchantur fluctus.

Dulce & decorum est

Per discrimina ac tumultus, ad regiam Palladis contendisse.  
Sub Palmario Peripathetici agminis Duce  
Stipendiarius, tuendæ Veritatis Miles,  
Signa æmulam contra moturus ignorantiam  
Belli neruum ab ingenio deprompsit suo,  
Ne extraneo annonæ apparatu egeret.

C 2

FE-



## F E L I X

Cui Certanti vincentiq; spectator idem gratulatorq;  
VRBANI VIII. à Latere Nuntius obuénisset:

Quo seu Prænuntio, seu Auspice

Ad Romanam deinceps prolusurus Theologiam,  
Eâ potiundi, certissimum accepit omen.

## Profectò

Honoraria ad literariæ gloriæ accessionem appendix est:  
Vicariam VRBANI Maiestatem Potestatemque  
Suis præsentem & Præsidentem circulis habuisse,  
Philosophici triumpho comitem in ViceComite fuisse nactum.

## Et verò opportunè

Per augusta SIGISMUNDIANI Athenæi atria  
Ad Palatium Reginæ Sapientiæ euasurus,  
Regium Societatis IESV Collegium Cracouiense prælegit.  
Hic Athenas, hic Mineruam reperiens

Ne aut Democriti in puteomersam veritatem rimari,  
Aut in Platonis luto latentem quærere, necessum haberet.

## E R G O

De summa Philosophiæ decretorio acturus Marte,  
Hic publicæ concertationis præliarem dixit diem,  
Securus Laureæ, quam suis ante sudoribus alluisset.  
Iam tum: oppugnatis propugnatisque vniuersè Assertionibus  
Quantus deinceps veritatis Assertor futurus fuisset, palam fecit.  
Assurgite, Fasces Honorum capeffenti,  
Quotquot olim Philosophantis ingenio applausistis.

## IV.

*Exteras Nationes peragrat. Romæ operam Theologiæ, qua-  
driennij spatium nauat, sub magni nominis Doctore, Ioanne  
de Lugo è Soc. Iesu, Cardinali S. R. E.*

Vellem præstò essent  
Paterni Maternique nominis decoctores;  
Domi inutiles, foris inglorij, militiæ turbulenti;

In qui-



In quibus primam & mediam Ætatem  
Inter abrupta licentiæ amissam, frustra quæras,  
Ultimam dedecori suo imposituris manum  
Vt depontanam vitiorum senectam in præceps agant.

**A N D R E A S T R Z E B I C K I**

Inter Optimos educatus ad optima  
*Adultam Virtutem antequam polliceretur exhibuit.*

Primum floridæ Ætatis ver  
Apricis Italiæ solibus citò decoctum  
Festinatæ probitatis celerato maturavit autumnò.  
Fuisset alibi prodigio, morum hæc vindemia præcox,  
Nisi in felicioris ingenij nobilem plantam  
Soli & Solis Latini benignitas incidisset.  
Ferox & patiens bonorum omnium Nouale  
Romanæ sarculo debebatur culturæ.

Flecti fingiq; facilis animus  
Disciplinas aptus ad omnes, propensus ad singulas,  
Sublimitatem ingenij, celebritate Urbis commendauit;  
Vbi de suis quoq; benè mereri visus Maioribus  
Quòd eorum imaginibus, optimo in lumine collocatis  
Nobilem Auorum gloriam geminaret in sua.  
Romano **G R E G O R I A N Æ** Munificentia in Collegio  
(Homine maior in Diuina confurgens)

Supremæ Scientiarum perstudiosus Cultor,  
Par capacitati suæ auditorium  
Parem loco & facultati Magistrum sortitus est,  
**I O A N N E M** de **L V G O** Societatis **I E S V**  
Pullati tunc Ordinis, nunc Purpurati Senatûs eruditum decus;

**I N Q V O**  
Rediuuium Angelici Doctoris ingenium

*Peracutam Augustini subtilitatem,*  
Reconditum Aristotelis acumen,  
**R O M A** suspexit, recognouit **O R B I S.**  
Multum interest quibus ad Sapientiam Ducibus vtâres  
Felix Platone Aristoteles, Aristotele Alexander.



Ingens Eminentissimi Dôctoris gloria  
Discipulus ex Emerito Infulatus!  
Hoc insuper titulo Præceptor contiguus,  
Quòd Vaticanæ ille Curia, hic Polonæ Senator  
Finitimi splendoris luce sese accedant, accedantque:  
Miratus attamen vterque est, se vsque ad Purpuram profecisse  
Suorum erubuit meritorum aspectu.

VRBANI VIII. Imperio alter  
Alter IOANNIS CASIMIRI suffragio,  
Cardinalitias ille, hic Pastoritias Antistitis euocatus ad curas.

Illustre Scholastici Operis coronamentum: ★  
Theologicâ à se donatos vel rude vel ★ Laureâ  
Theologico Magisterij numerare in censu.

Alludit ad Il-  
lustriss, ac Re-  
uerend, prin-  
cipé Casimirâ  
Czartoryski  
Episc, Kuiau.  
sacra Doctor,  
laurea Romæ  
donatâ eodem  
Professore.

In Vrbe Orbis compendio

Omnium ingenia collegit in suo,  
Tam prosperâ bonarum artium complexione,  
Vt ambiguum fecerit

Doctiorne ab Vrbe, an Sanctior rediisset.

Viderint Patriæ ac morum extorres:

An hoc demum sit: Saluis integrisq; suis omnibus  
Integrum lustrandis gentium ritibus impendisse ★ Lustrum.

V.

★ Lustrum 5.  
annos notat.

*Summorum Pontificum honorificis de se iudiciis  
& beneficiis exornatur.*

ANDREAS TRZEBICKI

Primæ felicitatis telam Romano exorsurus à capite,

VRBANO VIII. P. O. M.

Ab excellentia magnæ indolis probè cognitus  
Eiusdem probari iudicio, beneficio ornari emeruit.

Nimirum

Bona Progenies latere, nec si velit, potest. ★

Leu. Dec. 1.

In Petitione sacri muneris

Vel idcirco suis antelatus Competitoribus est.

Quòd se illorum nemini prætulisset.

Inde



Inde maximè idoneus gratiæ

Vnde minimè importunus.

Efficacissimum suadendi instrumentum est

*Tacita perorantis verecundiæ eloquentia.*

Palmas metit, cum manum non moueat,

Vincit citra conflictum: triumphat ante pugnam! Sylla felicif-  
simus Roma-  
norū putatus

Quotam Syllanæ prosperitatis portionem reris

Sacrum è SVÆ SANCTITATIS manibus cepisse Honorarium?

Est aliquid: in Vrbe Urbium iudice.

ORBIS ARBITRO PLACVISSE VRBANO!

Primâ hâc Apostolicæ largitionis indulgentiâ

Pŏcensis Cathedræ renuntiatus Romæ SCHOLASTICVS,

Consentaneum Scholasticæ tunc Auditor Theologiæ præmium tulit.

Initiatæ Felicitatis erat:

In amplissimi Sacerdotij. primo aditu

Altioris prærogatiuæ luculentum accepisse pignus.

VSQVE A DEO

Romanâ ( hoc est optimâ ) fide agentibus

Cuncta, ad Bonæ Spei proficiunt euenta!

SVBINNOCENTIO X.

Maïoribus Honorum Aris promissus, arrham tulit.

ALEXANDRO VII.

In Premisliensis Pontificij Cathedram

★ Suo Olore

Bonâ Faustâque Alite auspicatò illatus est.

Diceret: prima hîc illi infulatæ dignitatis celebrata æncania.

Vbi & suas pariter dedicauit virtutes.

A. Premisliana Cracouiensem translatus ad Sedem

Minores infulas, maioribus extendit, intenditque curis.

GNARVS apprimè

*Sola hæc ambientium decora esse studia*

*Primas laborum Cathedras ante alios occupare:*

Nobile est in Virtutum regno, de excellentia certamen.

*Efferunt plerumq; sese in arduis magnæ mentes.* NB

Vauellanæ Arcis in fastigio spectanda Virtus

Quidni Admiratores iuxta ac imitatores habeat?

Quanquam ea est TRZEBICIANÆ Probitatis indoles



Vt vel sine scena & spectatore, suam non frigidè personam agat.

In Sacratio Diuinæ Mentis omnia reponenti ★ Corn. Tacit.  
L. 2. Annal.

CONSCIENCIA FACTI SATIS EST.

## VI.

*Romæ nonnullis S. R. E. Cardinalibus percarus, habitusque  
perhonorificè.*

**ANDREAS TRZEBICKI**

**A Generis & Urbis claritudine illustris,**

*Romæ, (hæc est in publico orbis Hospitio)*

*Ignotus latere quia non poterat*

*In lucem Vaticanæ Purpuræ familiarius incurrit.*

**FRANCISCO BARBERINO: GVIDONI BENTIVOLO**

**S. R. E. CARDINALIBVS** carus vnicè cultusque,

*Reciproco vtriusque amoris, venerationem opposuit:*

**Lætus certusque,**

*In his duobus, geminum suæ laudis cardinem verti.*

**Natæ factæque ciuilitè**

**Ad omnem leporis Urbanitatem Barberinæ Apes,**

**Morum, in nobili aduena, suauitatem odoratæ**

**Vsu intimæ consuetudinis, magno Hospiti, adhæsere;**

**Lectissimo Sarmaticæ Nobilitatis in flore**

**Genuinum Poloni Candoris regustantes succum.**

**Infixo iam tum altioris memoriæ aculeo,**

**Duraturo olim in acumine literarum & sensu**

**Adeò dedicatè Violentum & acre est Amoris ingentum!**

*Grande ★ Lætislavii Honoris Vadimonium: ★ Senatorij.*

**VRBANI** Nepotem ( fauente iam Patruo ) obstringere & obstringi.

**Quo simul tempore**

*( Ne quis Oratoriæ insinuationi locus foret )*

**Apertâ congressione, in BENTIVOLI** illapsus est beneuolentiam,

**Non magis in animorum tabulas**

**Quàm in testes altricesque amicitiae syngraphas**

**Relatam fideliter, persanctè custoditam.**

**Romanis ad exemplum**

**Polono-**



Polonorum animos & calamos, vel inter Septentrionis algores  
Ad officia fouendæ Humanitatis non frigere.

## VII.

*Illustrum Virorum acta quædam & scripta prælo subie-  
cta, ab obliuionis iniuria vindicat; nonnullis  
Romæ impressis.*

Optimi cuiusq; æmulator laudatorq;  
**ANDREAS TRZEBICKI**  
Alienis facundum se in laudibus, elinguem in suis fecit.  
Lucris domesticæ gloriæ appositurus  
Quidquid Polono foris nomini accessisset.  
Hinc: Illustrum suæ Patriæ Virorum scriptis  
Lucem publicam, in luce gentium & mentium quæsiuit,  
Vitam Operi posthumam, Romano expressurus è prælo.

**STANISLAVM LVBIENSKI**

Quem eleganter verbis expresserat, expressit & factis.  
Vindicati ab obliuione, Antistites PLOCIÆ  
Quantum LVBIENO ob impensam operam,  
Tantundem LVBIENIVS TRZEBICKII calamo debeat necesse est.  
Consultum reor diuinitus, integerrimi Scriptoris Modestiae,

Tuo ne careret Elogio Defunctus  
Per quem, vt defuncti viuerent Præcessores, stetisset.

Rectè o PRÆSVL

Suo felicem calamo LVBIENIVM, feliciorem reddisti Tuos.

Inde Stylum vibrare aggressus  
Vbi scribere & viuere, Nestor suæ Patriæ desijisset.

Multum profuit ad famæ immortalitatem,

Pares rebus gestis inuenisse præcones:

*Lysippi an Mironis celo sculparis, refert plurimum.*

Nullâ styli humilitate iacere

Nullâ attolli sublimitate desiderat,

Quisquis Vocalissimi OLORIS, Tui elatus est pennâ.

Sic vno eodemq; laboris viatico

Hinc Senatoriis Viri Virtutibus & Factis,

E

Hinc



Hinc Fastis Pſociæ Cathedralibus Consultum iuiſti.  
Meriturus ipſe gratam poſteritatis memoriam  
Qui ſic in alienæ perennitatis gloriam laboraueris.

## VIII.

*Extraordinarius ad Comitia Imperij Ratiſbonenſia Legatus ad Fer-  
dinandum III. Imperatorem Romanorum.*

Nec ſpecioſius aliud, nec operoſius  
Principum Oratoribus contingit munus & onus,  
Quàm impoſitam ſibi Regis & Regni Perſonam  
Scitè vtramque ex vtriuſque dignitate gerere.  
Theatrum hoc, niſi ſis Roſcius, ne attingito.  
*Mouere ſeſe extra Dedecori numeros, hic non datur.*  
Humanâ maioris indiſtriæ, artem duxerim,  
Tractare Maieſtatum cauſas, citra præiudiciū Maieſtatis,  
Delicata vel priuati Honoris poſſeſſio eſt  
Quâ ſe nemo non ægrè depelli finit.  
A magnis legationibus, pares in vtramque partem exitus exſpectandi.  
Oram Regalis paludamenti præſcidit,  
Quiſquis infra Principem aut ſolium perorauit.

## A T E N I M

Fuerit aliis plena diſcriminis atque alex  
Omnis pro Maieſtate Peroratio.  
**ANDREÆ TRZEBICKI**  
( Hoc eſt palmaris Eloquentiæ Veterano )  
Imperiale Comitium, victoriæ ac triumpho eſt campus.  
Parum illi Senatorias Principum Imp: aures explèſſe,  
Niſi in animos quoque exerceat imperium.  
In Sapientiſſimo Electorum conſeſſu  
Electè Sapienterque dicere, aut illiùs eſt, aut nulliùs.  
Non ita rarò Dominantium Curias adiit audiitq; **TRZEBICKI**  
Vt adhuc publicæ Maieſtatis non calleret ſtylum.  
Contumeliā aut pudorem purpuræ is non allinit,  
Qui ex ore ſui Principis, Suadæ Spiritum & colorem ducit.  
Ex rerum perſonarumque pretio loqui & agere ſolenne habet.



Securum Te Tuæ auctoritatis IOANNES CASIMIRE;  
De qua in Regij tractatione nominis, detritum sit nihil.

Tuâ & Reipublicæ animatus mente,  
Eandem ex integro Legatus, in euentu præstabit.  
Maçte his meritis A N D R E A,  
Nusquam magnificentius Viri titulos exæquasti!  
Magno temporis & fortunarum impendio  
Maiore Poloni Nominis compendio  
Grauissimæ Legationi pondus adiecisti de Tuo:  
Par prosperitatis contentio est,  
Magnæ domicilium Gloriæ Ratisbonam  
Ijsdem, quibus ante Ossolinus, gloriæ passibus attigisse,  
Nec minori magnitudine implèsse.  
Exinde sibi suos Italia Tullios, suos Græcia Nestores habeat.  
Nidum ciuilis eloquentiæ tot à sæculis TRZEBICII,  
GENTILITIO suæ Domûs posuere in CYGNO:  
Rarum id Ratisbonensis Curiæ Augustali contigit:  
Diuino in Homine vocem audisse Cygneam!

## Q V I N

Et suæ, in Imperio fortunæ, nostrum haud pænuit Oratorem,  
Qui Imperaturo Cæsaris Filio, cum dedisset suffragium,  
Ibidem & ipse, Ferdinandi ac Principum iudicio:  
CONSVMMATISSIMI SENATORIS calculum non ex vano accepit.  
Sic dum præuia Ossolinij vestigia foris premit, sua imprimit.

## O S S O L I N I Æ O L I M

Nunc TRZEBICIÆ dexteritatis caput esse:  
*Extra Patriæ limina positum, intra Patriæ decora stare posse.*  
Ita suis ubique se finibus coercent castigatæ mentes.

Commonendis Principum Oratoribus:

*Perinde ac Bellorum, Legationum rationes momentis constare.*

## VII.

*Sub illustri ac Principali magnorum in Regno Senatorum disci-  
plina, præparamentum ad maiores & publicas Reipub.  
curas præmittit.*

Nulli non sufficiens muneri oneriq;



Magnus à se & à genere ANDREAS TRZEBICKI:  
Alias ex alijs irrequieti laboris Prouincias  
Subire humeris, obire animis, acer alacerq;,  
Ingenitam sibi Nobilitatem, vel in cotem vel in calcar vertit.  
Quamquam ★ Theopompo hic Noster similior quàm ★ Ephoro

Vltro in optima procurrens, agi stimulis non potuit.

Ab Vrbe reducem, feriari patria cum non sineret

Tribunalatiae Potestatis deputata excepere subsellia.

† Demosthenis  
Discipuli Fre-  
no ille hic cal-  
carib⁹ indigebat

Bono Diuini Humaniq; iuris, putatus lectusq; Iudex  
Assistricem decretoriae Curuli Aequitatem praestò habuit.  
Admirationem sui, venerationi immiscens,  
Illam ex proximo acuit, hanc, etiam è longinquo intendit.

### Quo deinde

Sacrae Themidis a limine, inoffensum pedem efferens  
Maiorum operum Praeliminalia ( vt vocant ) praemissurus

★ *Primi Principis Primatè in Curia* ★

Matthiae Lu-  
bicki,

Curialium Regni Curarum illustre rudimentum posuit:

### Cùm Antea

Ad ciuilem Sapientiam permagno sanè Institute  
Stanislao LVBIENIO Senatorū Grauiissimo vñs fuisse  
Ne plus cognati sanguinis quàm Glorìae ex illo deriuaret.

Benè habuit Virum Patriae amantissimum:

Formari apud se Ciuem patriae futurum,

*Ingens aliquando rebus fessis momentum!* *18*

Sua tunc oraculo fides constitit

Quum nobili Alumno, vota Eruditoris praecurrente,

Citò Senatoriae ad metas Prudentiae constitisset.

Expectantium desideria factis excedens, diuinantium omina rebus implens.

Tunc si alias, praefestino bonae indolis prouentu,

Spei magnitudinem in herba virentem,

In calamo primùm, mox in culmo exhibuit.

Maioris Cancellariae Moderator

Iam tum in animo, in iudicijs Magni Ossolinij

Absolutissimum Senatorem egit, cùm adhuc non ageret.

Eò carior quò similior Ossolinio,

Suas in eo Virtutes, ex propinquo agnoscenti,



Ex aperto amanti, ex abdito altiùs reuerenti.  
 Et adhuc videlicet: *Omnis Arcani capacissimum*  
 Ad Secretioris Regiæ adyta non admitteret?  
 Aut non immitteret in curas Cubiculi intimas,  
 Ingeniorum geniorumq; scientissimus IOANN: CASIMIRVS?  
 Signatoriam fidis manibus negaret gemmam?  
 Quâ TRZEBICIANI Obsequij consignaret fidem.

### VIII.

*Sub interregnum (ab obitu Vladislai) omnium quotquot fuere funestissimum, Cancellarij munus, in comparabili prudentiæ, ac virtutum laude administrat, ad aulam Primatis regni Matthiæ Lubienſki.*

Præferant cæteri ambitiosa ad iactantiam  
 Re, & virtute inania nominum ostentacula:  
**ANDREAS TRZEBICKI**  
 Vim sui nominis, in ethymo vocabuli agniturus  
 Quò *Virum* se experiretur fortuna, cum irata luctatus est!  
 Sub triste ac turbulentum à Vladislai occasu Interregnum,  
 Naufragante, (*suo suorumque in sanguine*) Patriâ  
 Vltimam Bonæ Spei tabulam, in Religionis anchorâ prehensam,  
**Constanter tenuit inter fluctus!**

**Lætum redituræ malaciæ omen**  
 Vel suo à prænomine, vel à \* Signo Tutelari deducens! \* S. Andreæ  
 insignis  
 Crux,

Sæuiantis palam Fortunæ, summâ positus in lance,  
*Vires quid ferre possint*, Aduersorum explorauit in libra.

Nempe Durioris experimenti Tirocinium præmittere par erat

\* Cælo IAGIELLONIO successurum, Atlantem. \* Aula  
 Sigis-  
 mundi 3. sic  
 appellata,

*Acies militem, Tempestas Nauarchum, aduersa Virum probant.*

Vniuersale vt est bonum Virtus

Vnus tum omnibus Patriæ votis fatisque suffecit.

Rempublicam: *Ægram remediis confirmare,*

Inclinatam fulcire consilio: ruentem sistere calamo,

Scribendarum agendarumue rerum ordine animare,

Supra Hominem, non supra virtutem Andreæ est!

F

Chari-



*N* Charitatis erat: Patria Sortem in suæ consortium admittere,  
Constantiæ: occurrentibus occurrere & succurrere infortunis,  
Fortitudinis: Clauum in turbido tenere fulminante celo,  
Inexhaustæ Capacitatis: Difficillimis Legationibus ex facili respondere,  
Immensam negotiorum molem suis circumagere momentis

**ANDREÆ VIRTUTIS ERAT.**

*Fama ad posteros iturâ;*

Ne & Nomine **ANDREAM TRZEBICKI**  
IN PRINCIPE AVLA PRIMATIS  
Fidei & Curarum tenuisse primas.

**IX.**

*Pro-Cancellarius Regni, difficillimis bellorum temporibus, impensâ  
gloriosè, ac utiliter operâ, quinq; annorum spatio  
Sigillum tractat.*

Malarum Artium incapax **ANDREAS TRZEBICKI**,  
Simulandi quidlibet ac dissimulandi Tiberianas artes,  
Ipso vitæ integerrimæ refutauit Candore.  
Versicoloribus aulæ corniculis quid cum Cygno?

*Non eget transmarino coloris fuco*  
Natiua **TRZEBICIÆ VIRTUTIS** tinctura.

Cerea in bonum Facilitas

**Cum** omnes Honesti formas celerrimè acciperet,  
Nullam adeo non ætatem suis distinxit ceris.

**Bullam:** *Puerili Innocentiâ;*

**Prætextam:** *Contextu virtutum operumq;*

*Togam virilem: Curis accinctam: Succinctam Eloquentiâ,*

**Ingenio collectam: euolutam Consilio,**

**Large Pauperum explicatam in sinus,**

**Regum obsequijs Ciuium officijs, Patriæ vsibus, idoneam**

**Senatoriâ commutauit Togâ.**

**Ex comitio Maiorum mentium: Primis Reipub: Honoribus vel eò dignus**

*Quod Accisæ remedium Fortunæ Regni, solerter inuenisset.*

**Sacrociuilis curiæ Theatris omnibus**

**Quinquennio explorata laudatq; virtus,**

Iusta



Iusta per omnem modum, Laboris Olympia decurrit;  
Gloriosa domi & foris operâ  
Aras inter & focos partitò dispensatâ;  
Senatoris alibi, alibi Pastoris numeros explêsse  
Totis procerum subselliis, totâ Curiaë auctoritate sancitum est;  
Eò integriore ad fidem Posteritatis testimonio,  
Quòd Libertatis illam non necessitatis vocem, ratio expressisset.

### Incausarum disceptationibus

*Facilem omnibus acclinans aurem*

Aurum nulliùs appetijt, cùm omnium animos possideret.  
Purpurato quàm simillimus inde BORROMEO  
Vnde neminem gemere permisisset.  
Calliditatem Politicâ; morum sinceritatè oppugnans,  
Sanctioris Ethicæ & auctor esse meruit, & idea.  
Mores excolere promptior, quàm de moribus disputare,  
Vrbium status, legibus & mænibus, non verborum ambitu constare.

*Diuinæ ambitiosus Gloriæ competitor,*

DEO-HOMINI apud homines pretium conciliaturus.

Nihil non ex eius æstimatione egit vnquam, aut dixit.  
Eam Potestatis personam sumere ponereq; promptus  
*Quam sibi scena temporum, aut mores populi indidissent.*

Sæueritatis ac Mansuetudinis medius,

*Vitijs non Hominibus irasci persuasum habet.*

Insigne moderationis argumentum est,

In summa Facultate, sibi quàm minimùm licere velle,

In ipso Honoris ascensu descendere in seipsum,

Intra sui semuneris Cancellis tenere.

State hîc animis & calamis magna Scriptorum ingenia.

Nec diuinius est Maiorum gentium Oraculis tota laudum exhausta est materies.

Nec diuinius extra cælum, nec sanctius extra Romam,

Nec augustius extra Imperium,

Nec sublimius extra Regiam Principis,

Nostro vestroq; Præsuli, encomia quæri fas,

Totum illi è Romanæ Stylo Curiaë, laudis pretium.

Vnus TRZEBICIO instar omnium arbiter, laudatorque

Maior Maximis, Optimis melior

ROMANVS ALEXANDER.

Alex: VII. zelum  
eius virtutesq; Ec-  
clesiasticas suis ad eū  
litteris cōmendauit.

Debi.



*Debitam suis virtutibus meritisque adit Cathedram, frequenti  
bene precantium stipatus comitatu & votis.*

O H E T V E T I A M

Cracouiensem  
Diocesim al-  
loquitur.

Triumphantis Ecclesiæ germana Bellatrix:  
Euolutam Bono Diocesecos Tuæ Diem  
Atrata calamitatis ne inuolue aulæis.

*Exspirantibus utcunq; infortuniis respirandum paulisper.*

Mortualis pyræ feralia suggesta

*In publica letitiæ theatra compone.*

Arcus tamen molesque magnificas ne attollito:

*Altiores Pyramidum fastigiis Obeliscos*

*Sibi posuit, sui suorumq; victor ANDREAS.*

Famæ perennitatem non columnis aut imaginibus

Sed meritis sed virtutibus propagari gaudet.

*Securus de rerum à se gestarum memoriâ*

*Cui fidelem olim adiecit custodiam, Bonas artes.*

Tandem excusso Sueticæ seruitutis iugo

Ad iugalia iterum te accinge Sacra.

His te Dotibus ditatam dotatamque circumspice:

Ad summam felicitatis Tuæ restat: *Norris ut te felicem:*

Sub antiquæ virtutis Cultore

Fæcunda Sacræ frugis tempora opperire:

*Bona spei portio est: præiacta tot bonorum semina.*

★ Arcum deinceps, sortis ferreæ Annulum haud indueris

Adag

SPONSORE ÆTERNITATIS ANNULO

CATHEDRALEM SVBARRHATA AD ARAM.

Primo hoc DOTALIS GLORIÆ censu fruire

E T D I S C E:

NON SPONSAS TANTVM CÆLO DESCENDERE

SED ET SPONSOS.



J. XXII



sem  
al-

M  
1847

n:

na.  
ueris Adag  
LO  
M.  
uere

ERE

1847

XXII



